

Na osnovu člana 13. stav 2. alineja 17. Zakona o principima lokalne samouprave u Federaciji Bosne i Hercegovine („Službene novine FBiH“, broj 49/06 i 51/09), člana 6. stav 1. alineja 17. Statutarne odluke o organizaciji Grada Tuzla u skladu sa Zakonom o Gradu Tuzla (“Službenik glasnik Grada Tuzla”, broj 1/14, 3/15, 7/15, 11/15 i 12/15) i člana 170. Poslovnika Gradskog vijeća Tuzla (“Službeni glasnik Grada Tuzla”, broj 7/17., 2/18, 8/19 i 3/20), Gradsko vijeće Tuzla, na svojoj sjednici održanoj dana 27.05. 2021. godine,
d o n o s i

O D L U K U **o izmjenama i dopunama Poslovnika Gradskog vijeća Tuzla**

Član 1.

U Poslovniku Gradskog vijeća Tuzla („Službeni glasnik Grada Tuzla“, Prečišćeni tekst broj 7/17, 2/18, 8/19, 3/20, 7/20, 2/21 i 3/21) (u daljem tekstu: Poslovnik) iza člana 21., dodaje se novi član 21.a, koji glasi:

„Član 21.a“

Na rad Kolegija, primjenjuju se odredbe Poslovnika o radu Kolegija Gradskog vijeća.

Do donošenja Poslovnika iz predhodnog stava ovog člana, odredbe ovog Poslovnika, koje se odnose na rad Gradskog vijeća u dijelu predsjedavanja, učešća u radu i tok sjednice, analogno se primjenjuju i na rad Kolegija.

Član 2.

U članu 23.a, stav 2. briše se.

Član 3.

U članu 25. stav 2. Poslovnika, mijenja se i glasi:

„U sastav radnih tijela mogu biti birani vijećnici i poznavaoци određenih oblasti ispred političkih subjekata, odnosno klubova vijećnika i vanjski nezavisni eksperti, ovisno od nadležnosti radnog tijela.“

U članu 25. stav 3. Poslovnika, stav 3. mijenja se i glasi:

„Sastav radnih tijela, u pravilu je proporcionalan zastupljenosti političkih subjekata, odnosno klubova vijećnika u Gradskom vijeću.“

Član 4.

U članu 58. Poslovnika, stav 3. briše se.

Stav 4. člana 48. Poslovnika, mijenja se i glasi:

„Pismeni zahtjevi za razmatranje pojedinih pitanja i materijali, pristigli na pisarnicu Gradskog vijeća u roku kraćem od 48 sati prije zakazane sjednice Gradskog vijeća i usmeni zahtjevi za razmatranje određenih pitanja, ne mogu se uvrstiti u dnevni red sjednice Gradskog vijeća.“

Član 5.

U članu 61. Poslovnika, stav 5. mijenja se i glasi:

„Izuzetno, ako postoji opasnost po život, zdravlje i imovinu na području Grada Tuzle i ako bi nedonošenjem odluka ili zaključaka od strane Gradskog vijeća, nastupila šteta po Grad Tuzlu, klubovi vijećnika i Gradonačelnik mogu tražiti izmjenu ili dopunu dnevnog reda na samoj sjednici, pod uvjetom da predoče činjenice i okolnosti, koje opravdavaju takvo postupanje“.

Član 6.

Naziv poglavlja VIII Poslovnika, mijenja se i glasi:

„VIII VIJEĆNIČKA PITANJA I INICIJATIVE“.

Član 7.

U članu 163. stav 2. Poslovnika, na kraju rečenice briše se tačka i dodaju riječi „i najviše tri vijećničke inicijative“.

U stavu 3. člana 163. Poslovnika, iza riječi: „Vijećničko pitanje“, dodaju se riječi i „vijećničku inicijativu“.

U članu 163. stav 4. iza riječi „vijećnička pitanja“, dodaju se riječi „i inicijative“.

Član 8.

Ovlašćuje se Komisija za statutarna pitanja i propise, da pripremi Prečišćeni tekst Poslovnika Gradskog vijeća Tuzla („Službeni glasnik Grada Tuzla“, Prečišćeni tekst broj 7/17, 2/18, 8/19 , 3/20, 7/20, 2/21 i 3/21).

Član 9.

Ova Odluka stupa na snagu narednog dana od dana objavljivanja u „Službenom glasniku Grada Tuzle“.

Bosna i Hercegovina
Federacija Bosne i Hercegovine
Tuzlanski kanton
GRAD TUZLA
Gradsko vijeće
Broj: 01/04-A-7502-2021
Tuzla, 27.05. 2021. godine

PREDSJEDAVAJUĆI
Nataša Perić, prof.

OBRAZLOŽENJE

Pravni osnov za donošenje Odluke

Pravni osnov za donošenje ove Odluke je član 13. stav 2. alineja 17. Zakona o principima lokalne samouprave u Federaciji Bosne i Hercegovine („Službene novine FBiH“, broj 49/06 i 51/09), član 6. stav 1. alineja 17. Statutarne odluke o organizaciji Grada Tuzle u skladu sa Zakonom o Gradu Tuzla („Službenik glasnik Grada Tuzla“, broj 1/14 , 3/15, 7/15,11/15 i 12/15) i član 170. Poslovnika Gradskog vijeća Tuzla („Službeni glasnik Grada Tuzla“, broj 7/17., 2/18 , 8/19, 3/20, 7/20, 2/21 i 3/21),

Odredbom člana 13. stav 2. alineja 17. Zakona o principima lokalne samouprave u Federaciji Bosne i Hercegovine, propisano je slijedeće:

Gradsko Vijeće u okviru svojih nadležnosti:

...

-donosi svoj poslovnik o radu.

Identičnu odredbu sadrži i član 6. stav 1. alineja 17. Statutarne odluke o organizaciji Grada Tuzle u skladu sa Zakonom o Gradu Tuzla.

Odredbom člana 170. Poslovnika Gradskog vijeća Tuzla, propisano je slijedeće;

„Izmjene i dopune ovog Poslovnika se vrše po postupku istom kao i za njegovo donošenje“

Razlozi za donošenje Odluke

Razlozi za donošenje ove Odluke su potreba za popunjavanjem pravnih praznika i preciziranje pojedinih odredbi u Poslovniku Gradskog vijeća Tuzla („Službeni glasnik Grada Tuzla“, broj 7/17., 2/18 , 8/19, 3/20, 7/20, 2/21 i 3/21), kao što su:

-nalaganje donošenja Poslovnika o radu Kolegija Gradskog vijeća, a do njegovog usvajanja uvođenje analogne primjene pojedinih odredbi poslovnika, koji se odnosi na rad Gradskog vijeća,

-preciziranje odredbi, koje se odnose na obavezu donošenja posebne odluke o finansiranju političkih subjekata i rad Klubova vijećnika,

-mogućnost, da u radnim tijelima Gradskog vijeća Tuzla, osim vijećnika i drugih predstavnika političkih subjekata, budu izabrani i vanjski nezavisni eksperti,

-preciziranje odredbi, koje regulišu mogućnost da se zahtjev za dopunu dnevnog reda sjednice može podnijeti najkasnije 48 sati prije održavanja sjednice Gradskog vijeća, kao i izuzetak od navedenog pravila, odnosno činjenica i okolnosti, koje opravdaju i omogućavaju podnošenje zahtjeva i dopunu dnevnog reda i na samoj sjednici,

-popunjavanje pravnih praznina u pogledu postavljanja vijećničkih inicijativa, jer to pitanje nije bilo regulisano u važećem Poslovniku Gradskog vijeća Tuzla.

Pojašnjenje pojedinih odredbi Odluke

Članom 1. ove Odluke, uvodi se obaveza donošenja Poslovnika o radu Kolegija Gradskog vijeća, a do njegovog donošenja primjenjivat će se odredbe Poslovnika Gradskog vijeća Tuzla, koje se odnose na rad Gradskog vijeća u dijelu predsjedavanja, učešća u radu i tok sjednice

Članom 2. Odluke, briše se stav. Člana 23.a. Poslovnika (kao suvišan), jer se pitanje finansiranja političkih stranaka treba definisati posebnom odlukom Gradskog vijeća Tuzla, a ne Poslovníkom i to ne treba posebno naglašavati u Poslovníku.

Članom 3. ove Odluke, uređuje da u sastav radnih tijela mogu biti birani vijećnici i poznavaooci određenih oblasti ispred političkih subjekata, odnosno ključova vijećnika i vanjski nezavisni eksperti, ovisno od nadležnosti radnog tijela. Ova odredba motivirana je činjenicom, da sve više nevladin sektor, postavlja upite, da li se u pojedinim radnim tijelima općinskih/gradskih vijeća nalaze vanjski eksperti (kao npr.komisije za borbu protiv korupcije, jednakopravnost spolova i slično).

Članom 4. ove Odluke, precizira se, da se pismeni zahtjevi za razmatranje pojedinih pitanja i materijali, pristigli na pisarnicu Gradskog vijeća u roku kraćem od 48 sati prije zakazane sjednice Gradskog vijeća i usmeni zahtjevi za razmatranje određenih pitanja, ne mogu se uvrstiti u dnevni red sjednice Gradskog vijeća.“

Članom 5. Odluke, propisano je da, izuzetno, ako postoji opasnost po život, zdravlje i imovinu na području Grada Tuzle i ako bi nedonošenjem odluka ili zaključaka od strane Gradskog vijeća, nastupila šteta po Grad Tuzlu, klubovi vijećnika i Gradonaćelnik mogu tražiti izmjenu ili dopunu dnevnog reda na samoj sjednici, pod uvjetom da predoće činjenice i okolnosti, koje opravdavaju takvo postupanje“.

Članom 6. Odluke, naziv poglavlja VIII VIJEĆNIĆKA PITANJA, mijenja se u VIII vijećnića pitanja i inicijative.

Članom 7. Odluke, vrši se popunjavanje pravnih praznina u pogledu postavljanja vijećnićkih inicijativa, jer to pitanje nije bilo regulisano u važećem Poslovníku Gradskog vijeća Tuzla.

Članom 8. Odluke, utvrđuje se obaveza izrade prećišćenog teksta Poslovnika Gradskog vijeća Tuzla („Službeni glasnik Grada Tuzla“, Prećišćeni tekst broj 7/17, 2/18, 8/19 , 3/20, 7/20, 2/21 i 3/21).

Članom 9. Odluke uređuje se njeno stupanje na snagu

PREDLAGAĆI:

KLUBOVI VIJEĆNIKA PARLAMENTARNE VEĆINE
